

Na osnovu člana 35. stav 4. Zakona o zdravstvenom osiguranju ("Službene novine Federacije BiH", broj 30/97 i 7/02), federalni ministar zdravstva donosi

ODLUKU

O DOPUNI ODLUKE O STANDARDIMA I NORMATIVIMA ZDRAVSTVENE ZAŠTITE IZ OBAVEZNOG ZDRAVSTVENOG OSIGURANJA

I.

U Odluci o standardima i normativima iz obaveznog zdravstvenog osiguranja ("Službene novine Federacije BiH", br. 5/03 i 18/04) - "OSNOVI STANDARDA I NORMATIVA ZA OSNOVNI PAKET ZDRAVSTVENIH PRAVA", u poglavlju I-STANDARDI I NORMATIVI PRIMARNE ZDRAVSTVENE ZAŠTITE, pod tačkom 5. "Hitna medicinska pomoć", na kraju teksta dodaju se novi st. 6. i 7. koji glase:

"Odredba stava 2. ove tačke odnosi se i na Općinu Neum za vrijeme sezone u periodu od 01.06 do 01.10., kada se ugovorom sa Zavodom zdravstvenog osiguranja Hercegovačko-neretvanskog kantona trebaju obezbijediti timovi hitne medicinske pomoći kontinuirano 0-24 sata.

Obezbjeđenje timova može se vršiti i preusmjeravanjem timova hitne medicinske pomoći iz Regionalnog medicinskog centra "Dr Safet Mujić" ili iz Kliničke bolnice Mostar ili iz oba bolnička centra na smjenu, a u skladu sa ugovorom između Doma zdravlja Neum i kantonalnog zavoda zdravstvenog osiguranja."

II.

Ova Odluka stupa na snagu narednog dana od dana objavljivanja u "Službenim novinama Federacije BiH".

Broj 01-37-5108/07
8. augusta 2007. godine
Sarajevo

Ministar
prim. dr. **Safet Omerović**, s. r.